

吳興備志

六



吳興備志卷之十四

烏程董斯張遐周彙編

象緯徵第九

晉成帝咸和四年冬天裂西北時蘇峻之子以萬人入

吳興天下有兵

太平御覽

安帝隆安五年三月甲寅流星赤色眾多西行經牽牛
虛危占曰星庶人類眾多西行眾將西流之象其年五
月孫恩至京口內外戒嚴劉裕追破之元興元年七月
大飢人相食吳郡吳興戶口減半又流奔而西者萬計

晉書

咸平二年正月己卯月入南斗奎占曰吳分飢疫明年

兩浙大飢民疫死

皇祐元年六月己巳星出匏瓜赤黃有尾迹向南速行

至建星沒占曰吳分有謀

宋史

紹興十七年五月壬戌木順行入東井占天下有川瀆之事于是浙西大水

乾道三年五月庚辰月復入南斗奎是歲兩浙水旱嘉定九年正月丙寅月入東井兩浙有水災

並上

建置徵第十

郡縣沿革

城郭

公廨

學

書院

亭館

郵傳

倉庫

雜局

營寨

市橋

坊巷

附祠觀

張按郡縣沿革其名有相淆者後魏以襄州有洞庭湖改爲湖州西吳里語混載之如樂遜冀儁席固皇甫道爲湖州刺史李壽湖州戶曹從事李叔讓湖州長史是也吳永安二年分侯官爲吳興縣江淹自序云吳興地在東南嶠外閩越之舊境圖經云晉尙書陸邁宋賀道力梁尙書郎江淹王琰皆爲吳興令宋檀道濟封吳興縣侯沈懷明吳興縣子是也又長興舊名長城武康舊名永安唐武德三年以武康爲安州四年復改爲武州攷隋書及宋史地理志三川縣舊名長城百泉縣後魏置長城郡黃石縣西魏改曰長城如北齊信都芳後周令狐整封長城縣子是也

陽安縣西魏置武康郡如西魏崔士謙隋令狐熙封
武康郡公是也洋州趙宋置武康軍如福王與芮及
韓琦姚麟俱武康軍節度使畢再遇武康軍承宣使
是也沔水舊置永安郡黃岡亦名永安普安郡梁改
爲安州武陵郡梁改爲武州又宋史云開德府有德
清軍保安軍又有德清砦盛弘之云荊州有烏程鄉
不諳九域之書幾何不眯目耶

晉分天下爲十九郡隸楊州隋初隸楊州行臺大業末

隸徐州總管

見統記

唐分道置使屬江南東道宋領縣六屬浙西路

談志

舊圖經統記諸書據通典元和郡國志皆曰梁改爲震

州陳後爲吳興郡紹興中續圖經辨之曰自秦置郡至
陳未嘗改革隋氏一統始改郡爲州太守爲刺史按梁
書杜龕傳龕爲震州刺史吳興太守後遂以郡兵拒陳
文帝軍是梁分浙西數郡爲震州治吳興非改郡也其
說亦未審自秦置郡漢元封中已分十三州置刺史至
梁天監十年有州二十三郡三百五十縣千二十二後
又恢拓土宇以舊州遐闊多有析置大同中有州一百
七郡縣亦稱此謂隋始改郡非也以隋志攷之自梁以
來往往以郡爲州以縣爲郡又別置諸縣紛紛不一故
自天監官多兼領蓋當時以吳興郡爲震州而烏程爲
吳興郡初未嘗廢郡名也舊唐志曰梁置震州取震澤

爲名是矣

舊傳晉郭璞欲移郡于東遷每立標輒爲飛鳥銜去其女亦善地理啟璞無徙因舊址損益之可以永無殘破之虞璞從之其女今號遷城小娘子從璞廟食續圖經云郡置于吳而璞當晉惠懷之際避地東南事不相類乃于菰城云秦改縣爲烏程至晉始移治于苕霅之上烏程縣治卽古郡治又自相牴牾切詳烏程治所當秦漢間已徙于今之郡中故吳寶鼎置郡詔謂永安故鄣等水悉注于烏程若在菰城豈得云此故知吳以前已在今處旣以縣爲郡則必卽縣治爲郡治而縣治爲他徙矣璞隨元帝渡江仕爲尙書郎損益古城之制相陰

陽審向背庸有是理也今羅城之內茗水入西門餘不
谿入南門至江子匯合流爲雪水以出北門趨太湖西
南諸山回環拱揖屏列于前北有卞峰以踞于後子城
居中面二水之衝挹眾山之秀又四面多大谿廣澤故
立郡以來無兵革之患意非堦不能定不必引飛鳥以
神其事也

竝上

晉太康三年平吳以平陽郡有永安縣改曰永康惠帝
永元九年改元永康以年號同始改曰武康唐武德三
年李子通攻陷郡縣以武康直安州四年八月吳王杜
伏威遺其將王雄誕平子通改安州爲武州

舊唐書參

餘英志

後漢志及通典竝云漢初平中置永安縣南史沈約傳云靈帝中平五年置圖經載漢末童謠云天子當興東南三餘之間吳黃武元年乃改會稽之餘暨爲永興分烏程餘不鄉合餘杭之境置永安縣餘英志以沈約博綜世居武康自吳至梁歷年未遠以約言爲正今以年代攷之靈帝中平七年爲獻帝初平元年吳黃武元年當魏黃初三年約雖博綜而自敘鄉里族系多與正史差齟又黃武爲吳年號使其改于吳則漢史不當載今以漢志通典之言爲定

談志

湖州五湖之表州以爲名

郡國志

湖州上吳興郡昭慶軍節度寶慶初改安吉州縣六烏

程歸安安吉長興

望

德清

紫

武康

上

貢白紵漆器

宋史

故長州在長興縣隋大業末沈法興置此州後廢

一統

志

故安州在武康縣唐志云李子通立安州又曰武州唐初因之尋廢

吳興在景德初有管鎮二十四其八已廢止有施渚大錢東林烏墩東遷市山巡莫安吉長興德清武康新市四安梅谿水口合谿共一十六所至熙豐間王存脩九域志所載止存其六烏程有烏墩歸安有施渚安吉有梅谿長興有四安水口德清有新市至嘉泰中又廢水口置和平國朝設後潘大錢琬市四安皋塘獨松天目

松阬口新市下塘巡檢司凡十所又商賈聚集之處今皆稱爲市鎮其處一十有七

勞志

以下城郭

郡城唐時開九門放生池側有閨門定安門東西各有甕門並廢宋門六今因之

談志

古戶城統記云在烏程縣西一十九里吳孫皓時置文皇帝陵戶二百家城于此

古卜城統記云在烏程縣西南六十里宋略云龍驤將軍益州刺史卜天與所築因名古卜城

後府城在郡西北二十五里吳地志云吳大帝所築

云太子和築

並上

南潯城在縣東七十二里周三里元至正十三年張士

誠築洪武二年十月拆其石脩築蘇州城

勞志

南潯重脩城記前徽州路儒學

缺

譔前南潯鎮儒學教

諭楊天顯書湖州路安定書院奉祀胡理篆額記曰江

浙等處行中書省分省右丞潘公以至正丙申夏四月

鎮吳興郡仁流威暢保釐方面屹若磐石時則有

缺都

事張

缺

謀議而又有

缺

掾史袁君佐幕府相與誕脩文

德丕闡武功至于今賴之政治閒暇防禦慎密乃作南

潯城以脩湖

缺

缺

爲慮亦遠矣城無故基皆塞沮洳

益汙邪不皆固密蔣經春夏潦潰旱裂守吏雖嘗脩治

杵聲未絕而繼之以圯甚無以

缺

初慮患之意庚子八

月行中書省選萬戶徐侯俾守茲土侯見士民缺道

相君憂愛黎庶甚苦故遣吏保護聞者以手加額曰賢

哉相君乃能仁吾缺侯缺城圯狀其事以聞相君曰吾

固知之但興師一萬日費千金此皆斂于民者而況徵

求未息其可重煩乎若官給缺則庶幾耳缺都事公與

缺文君皆贊其說乃言于太尉及得請遂命侯董其役

凡木石工食之費一取于官而任其責者則附近六鄉

之里正蠲其雜役使耑致其力侯承缺謹身為之勸心

匠經營損益規制頤授指使人服其精時方盛夏遇赤

日流汗暑雨被體曾不憚勞或言胡不自安以缺專嚴

卒不敢懈怠民亦更相告戒趨事赴功罔缺違令始于

至正辛丑三月丙寅迄于七月丙辰訖功按城周一千

六十六丈有五尺崇三丈廣如崇得三之一金城粉雘

鐵缺石樞危巔倚天深根入泉雖曰脩治若經始然觀

者以爲微中書省之選不能盡侯之才微侯豈能承中

書省命之重此名此城相與傳諸不朽矣鄉人譖缺其

事于石缺昔披披今城巍巍有不待記而人所共知者

愚缺高城深池堅甲利兵戰守之具也當四方未寧之

日誠不可一日廢以相君之剛明佐之以張公之善謀

袁君之缺於建功立業不翊風飛缺山鳴水涌沛然莫

之能禦而于是役也若不敢輕舉焉者蓋居公相之位

負大名握重權一言出而天下爲之輕重一令約而天

下爲之向背故其鑑清衡平之體必審其緩急而後發
焉及其以爲不可已也則又缺酌平缺有缺諸時不失
乎官民相與之道古之權大事者往往若是此所以爲
名世缺之俊傑也歟凡爲政者皆所缺當知也故不辭
而爲之記至正二十一年歲在辛丑七月旣望

穆王城在鳳亭鄉昔岳飛于此壘土結營後封鄂王諡
武穆遂以穆王城呼之其將壇猶在安吉志

長城縣治內有子城外七門東曰朝宗西曰宜興南曰
長城北曰吉祥東南曰迎恩西南曰廣德東北曰茹茹
勞志

黃城在縣東北郭轉堆皆句吳築

九里城在縣西南一百九十里

東林城在縣西南四十九里

西林城在縣西南四十八里

已上二城吳時所築

大騎城小騎城並在縣西南一百二十里吳王濞所築
朱城在縣東南二十五里輿地志云嚴白虎壻朱叔廉
所築

四安城元季武萬戶重築城有四門東曰長安西曰廣
安南曰吉安北曰直安陟尙存

以上俱長興

按談志安吉舊無城郭有六門惟西北二門有名西曰
齊雲門北曰迎恩門古桃志又載東曰迎春南曰崇陽
東北曰沙井西南曰教場

德清縣城舊在餘英谿北隋仁壽二年中使蘇倫徙于谿南唐廣德元年袁晁作亂邑人沈皓舉亡命之眾以應之二年皓敗降左衛兵曹參軍慶澄兼武康德清二縣令重以谿北古城脩築之外浚濠塹有四門東曰撫紆南曰朝恩西曰懷安北曰平遠宋紹興閒尙存中尉趙公廩勑屋六楹挾以兩廂于上歲久城與門俱廢

上

以下公廨

沙墀在郡廳事前墀外皆甃砌獨此方闊鋪以沙久莫之改紹興中太守王會命砌合之忽夜得夢翌早亟去新甃至今如故

談志